

### 3 XQJQQN JUAA

<sup>1</sup> An, ngo ndä xi xtä xi xchaá nangoxii, ts'entinde an ndí nts'ie an Gayoo, kui ndä xi jakoxi nga tjóna. <sup>2</sup> Ji ndí nts'ie xi tjóna, mí'á Néná tsi'e nga nda koejee kjoaa ngayeje nii, kó nga nda kuindyin, xikó ts'én nda tjis'ijñá inimáa nguindyikon Néná. <sup>3</sup> Ngat'a achichí tsja kamána nga kjindibákónna já nts'ie kó katsáyána nga takó kjima'niátakón ji Néná, kojo kóts'en nga ni xi jakoxi*tintjejin*. <sup>4</sup> Nga nt'ie an nga kui xtä xi xikoó ndína nga nguijiin ni xi jakoxi*tjimájin*, jmíjínna ingo kjoatsja xi je ngase ta boajiín kui ni xi'bi. <sup>5</sup> Ji ndí nts'ie xi tjóna, tanisién 'niátakón kjima ji kji'a nga tini'ínséen nts'ie xi ngasee, ngase ma nga tibosíkeje kui xi xín nangui chjiani. <sup>6</sup> Kui boá xi katsáyá nguindyikon xtä nangoxii kjoaa kjoatjó xi tjiín ji, kó nda kji'i ni xi sil'in ji nga kosikeje nga sa'lín ngase xaá Néná, tsi'e nga takó koeje ra nínga ndyifí. <sup>7</sup> Ngat'a kui xtaa ndyifí ja k'ie ja ngaján nguindie tangat'anii nga ndyibníjmi eén Jesukristoo, kó jmí nii xtä xi s'ijinjiín Néná kats'énjo'oijín. <sup>8</sup> Kuíni nga ná chjiénga koe'endiée ndi'aná kui nts'ie xi xikoó xi'ba. Kó boa ts'én nga kosikojó nga kui'ínjimi én xi jakoxi*on* Néná. <sup>9</sup> An, je kats'en'indóo ngo xojon xtä nangoxii, tanga Diótrefee kamámezénjiín skuiendfkón xájne, ngat'a ngatsjé nixtjin mejeén nga kui xi nguitokoo nangoxii kama. <sup>10</sup> Kuíni nga, tsi an xi kjuin an, sa'inkja'átsjiéen ni xi ndajín xi ts'én nga ch'o tsóná nga ndajín chjia kondra tsaná. Kó jmí tsi ta kuí tsi nii xi ts'én, ngaskande tsjandiéjín nga nts'ie xi xín nangui fochokoón, kó 'bíchjaá xtä nangoxi xi mejeén nga kjochókoón kui já nts'ie, kó mongatjinguii nangoxii. <sup>11</sup> Ji ndí nts'ie xi tjóna, ngata kiajín chja'ánguijnúu xtä xi ni xi ndajiín ndyits'eén, tasá kia chja'ánguijnúu xtä xi ndyits'én ni xi ndaaa. Xtä xi ni xi nda ts'én, xtä xi tsi'e Néná boá, tanga xtä xi ndajín

ndyits'eén, kjié bejín Néná.<sup>12</sup> Ngayeje xtaaq chjia kjoaa nga ndaxtə Demetrio, kó jakoxi boá ni xi chjia. Ngaskande jin nda ndokjoajne kjoaa kui, kó jún je yajnú nga jakoxi boá ni xi ni'ánjnē kojo ni xi ndokjoajne.<sup>13</sup> Achichí ni xi tikónna xi kuichjiájoo ji, tanga mejénjinna nga xojon kojo tintə sa'inkjen an.<sup>14</sup> Ngat'a tasá skoyáa nga tsá skuiee ji ts'i'e nga kama tilkjen tilkjen xchibooáñijmi.<sup>15</sup> Ngat'ieé kjoaxió. Xta xi amingoo tsó tinde. Ngo kjoanda kuí'aá, tinde boá t'ín ji nga ngo nga ngo amingona xi síndo kiaa.